


續資治通鑑綱目

拾遺

內閣文庫			
番號	漢	1837	
冊數	107 (107)		
函號	別	6	1



資治通鑑綱目續編卷之末

元四明陳桎拾遺

明史官陳仁錫評閱

辛酉唐昭宗皇帝天復元年契丹痕德堇可汗以

耶律阿保機為夷離堇

初炎帝之裔曰葛兔烏世雄朔漠號東胡匈奴冒頓單于襲破之餘眾保鮮卑山魏青龍中幽州刺史王雄殺其酋比能眾散徙潢水至酋莫那遷于遼西九傳而為慕容晃所破分其眾為三曰宇文曰庫莫奚曰契丹元魏初眾稍滋蔓而契丹酋奇首居潢河土河之

宇文庫莫
契丹同出
葛兔烏

通鑑綱目

卷之末

唐昭宗天復元年

一

五代續編

間有子八人各自爲部高句麗柔然謀擊之
大酋莫弗賀勿於懼率部落三千乘請附於
魏因居白狼水東唐初大酋號大賀氏有勝
兵八萬貞觀中太宗伐高麗首領窟哥來朝
詔分其地爲十州以其部長爲刺史拜窟哥
爲松漠都督賜姓李氏統領其衆窟哥死其
孫盡忠叛武后遣師二十萬連年乃克餘衆
附於突厥開元中盡忠從弟失活請降詔復
以爲都督失活傳沙固沙固爲衙官可汗于
所殺弟鬱于嗣鬱于死弟咄于嗣可突于復
逐之部人共立咄于之弟邵固可突于殺邵
固而立屈列以附於突厥幽州刺史張守珪
討殺可突于詔封其別部長過折爲北平王
以統大賀氏諸部可突于之黨雅里殺過折

而立廸鞏組里爲阻午可汗改號遙輦氏雅
里自爲迭刺部輔阻午以爲政始立制度設
官分地刻木爲契穴地爲牢焉雅里者本奇
首之後居潢河濱號審吉氏及易氏迭刺因
譯其始興之地世里爲耶律而姓之天寶四
年詔賜阻午姓名曰李懷秀仍爲松漠都督
懷秀尋叛詔更封別部長楷落爲恭仁王以
代懷秀楷落自稱契丹王會安祿山反朝貢
阻絕其世次莫得而詳或言其國凡八部常
推其一部大人建旗鼓以主號令然其所稱
耶瀾可汗屈戌已刺可汗習爾之類不知何
部大人也是年習爾死其族人欽德立是爲
痕德堇可汗痕德堇之世諸部多微而迭刺
部自雅里以後世爲遙輦氏夷離堇掌其國

衣食之源
開而契丹
始盛

政雅里子曰毘牒毘牒生頽頽領頽頽生耨里
思大度寡欲令嚴衆附部益盛強耨里思生
薩刺德薩刺德生勻德實教民稼穡善畜牧
部以殷富勻德實生撒刺的始教民鼓鑄其
弟述瀾又善用兵於厥室韋奚霫畏服之初
築城邑屋廬以居樹藝桑麻以織組焉阿保
機撒刺的長子也小字啜里只生而英異初
爲撻馬狝沙里猶中國扈從官也數立功國
人服之號爲阿主沙里至是授大迭烈府夷
离莖得專用兵遂大破室韋于厥及奚諸國
夷离莖掌部族軍民
之政猶中國使相也

壬戌 二年秋七月契丹阿保機寇河東代北陷九

郡九月城龍化州

阿保機率衆四十萬寇河東代北陷九郡虜
生口九萬五千九月城其始祖奇首故地潢
河之南古漢安平縣爲龍化州以
處所俘中國之民始建開教寺

契丹作西樓于世沒里

契丹之先草居野次靡有定所阿保機始於
遼右八部世沒里之地建西樓以爲游獵之所

癸亥 三年秋九月契丹阿保機寇河東陷懷遠軍

阿保機攻女真降之獲其戶三百九月寇河
東陷懷遠十月東掠薊北而去先是撒次的

通鑑綱目 卷之五
俘奚七千戶，徙饒樂之清河，至是創為奚迭刺，部分十三縣。

冬十月契丹以阿保機為于越總知國事，遂作

東樓于龍化州。

于越契丹至貴之職，非有大功德者不授。阿保機乃廣龍化州之東城，建東樓以紀功。

甲 **天祐** 元年秋九月，契丹阿保機侵室韋，盧龍

節度使劉仁恭遣師救之，敗績。

阿保機攻黑車子室韋，劉仁恭使養子趙霸救之，遇於武州，霸兵大敗，被執。阿保機乘勝

大破室韋。

昭宗第九子諱祚，即位更名祝。

乙 **丑** **昭宣帝** 天祐二年秋八月，晉王李克用遣使

如契丹，九月契丹阿保機會晉王于雲中。

李克用遣康令德通好于阿保機。九月，阿保機以騎兵七萬會克用于雲中，約為兄弟，宴甚驩。克用因與會師，進擊劉仁恭，拔數州，盡徙其民。復期共擊朱全忠，阿保機許之。已而或勸克用乘間拘阿保機于會，克用不許，曰：「讐敵未滅而失信，夷狄自亡之道也。」阿保機既去，聞之，乃背盟更附朱全忠。克用由是怨之。

以信待人，正也。然亦有宜權變處。

丙寅三年春二月朱全忠遣使如契丹○冬十一

月契丹阿保機侵奚霫女真諸部降之○十二

月契丹痕德堇可汗欽德歿

丁卯梁太祖朱晃開平元年○契丹太祖春正月契

丹耶律阿保機稱帝更名億

痕德堇可汗既歿其衆請阿保機為可汗阿保機未從耶律曷魯曰機不可失也阿保機乃命設壇於如迂王集會塙燔柴告天即皇帝位北宰相蕭轄刺南宰相耶律歐理思率

梁太祖名溫昔黃巢歸唐賜名全忠即位改名晃

其下上尊號曰天皇帝后述律氏曰地皇后阿保機更名曰億以曷魯總軍國事

二月契丹侵黑車子室韋降之○夏四月梁王

朱全忠稱皇帝于汴州更名晃廢唐帝為濟陰

王

戊辰梁開平二年凡六國五鎮冬十月契丹作明王樓

樓在世沒里與西樓相近

巳梁開平三年凡六國五鎮春二月梁吏郎公遠如契丹○

三月契丹舍利素會滄州劉守文之師伐幽州

敗劉守光于北淖口

幽州節度使劉仁恭為其子守光所囚義昌節度使劉守文守光兄也發兵討之互有勝負守文乞師於契丹契丹主使舍利素以兵會焉次于北淖口守光軍于橫海軍之近淀一鼓破之守光潰去因各北淖口為會盟之口

契丹以韓知古為左僕射

知古薊州玉田人有識量年六歲為契丹述律后兄欲穩所處以勝后焉久之未得省快

華人而為
夷制禮是
率中國而
夷狄之也

快挺身逃去為人庸保以自給會其子匡嗣以善鑿得幸於契丹主因間言之契丹主召與語賢其才命參謀信任日篤至是拜左僕射總知漢人司事兼主諸國禮儀時儀法疏濶知古參酌國俗與漢儀雜就之使國人易知而可行遂建碑龍化州大廣寺以紀契丹主之功德

契丹以蕭敵魯為北府宰相

敵魯契丹主后之弟也自是后族世為此職

庚開平四年夏四月梁夏州亂殺節度使李

五代續編

通鑑綱目 卷之六
彝昌以其族父仁福代之

初拓跋赤辭以部落歸於唐太宗賜姓李氏置靜邊等州以處之其析居夏州者號平夏部黃巢之亂夏州偏將拓跋思敬以功復賜國姓拜定難軍節度使有夏銀綏宥靜五州世襲其職至是其將高宗益殺彝昌而立仁福

辛未

元年

春正月契丹侵奚霫盡取其地

契丹主攻西部所向輒克遂分兵攻東奚亦平之於是盡取奚霫之地東際海南暨白檀西踰松漠北抵潢水凡五部咸入版籍還次灤河勒石焉

夏五月契丹主之弟刺葛等謀亂盟而釋之

契丹主有弟五人曰刺葛曰迭刺哥曰寅底石曰安端曰蘇刺葛性愚險好亂與諸弟謀反安端妻粘睦姑以事聞契丹主不忍加誅召諸弟登山刑牲告天地為誓而赦之

夷人亦敦友于之誼

壬申

乾化二年

冬十月契丹主之弟刺葛等復

謀亂釋不治

刺葛復與諸弟謀作亂會契丹主攻未不姑還次北阿魯山諸弟以兵阻其歸路契丹主乃南趨赤水河諸弟各遣人謝罪命釋之

通鑑綱目

卷之六

梁太祖開平元年

七

五代續編

癸卯年 乾化三年 春三月契丹主之弟刺葛等

反誅其黨而釋之

初名友貞 太祖第三子即位改名璵又改名鐙 一亂與盟再亂不治 三亂誅其黨處置曲盡忠厚不謂夷虜能爾 不惟仁叛弟併仁叛

三月契丹主次蘆水迭刺哥圖為奚王與安端擁千餘騎詐言來覲契丹主知其謀至則拘之而分其部隸諸軍刺葛率眾至乙室堇淀具天子旗鼓將自立會弭姑乃懷里陽言契丹主兵且至眾遂驚潰掠居民北走契丹主以兵追之刺葛寅底石引眾徑通行帳焚輜重廬幕縱兵大殺述律后急遣蜀古魯救之僅得天子旗鼓而已其黨神速姑復劫西樓焚明王樓契丹主至土河命秣馬休兵諸將請急追之契丹主曰伺其遠遁人各懷土

民契丹仁注也

懷土既切其心必離我軍乘之破之必矣四月追刺葛及於培只河盡獲其輜重生口遂進擊之刺葛逆戰而敗焚其車乘廬帳而去遇契丹主所伏兵復大敗乃遺其所奪神帳於路而奔五月至榆河與涅里袞阿鉢被獲寅底石自剄不殊契丹主還時大軍久在道輜重不相屬士卒煮馬駒採堇菜以為食葶畜道斃者什七八物價十倍器物資貨委棄於楚里河狼籍數百里因更刺葛名暴里涅里袞投崖而死有司鞠獄逆黨凡三百人契丹主曰人命至重死不可復生其賜宴一日隨其平生之好使為之酒酣或歌或舞或戲射角觝各極其意明日乃以輕重論刑契丹主猶不忍寘諸弟於法杖刺葛迭刺哥而

施法外之仁大奇

豈得暴民
舜之愛弟
也誅暴民
之黨而釋
其弟阿保
機之愛弟
也虞聖而
契丹亦不
失為賢

是年十一
月方改元
貞明

通鑑綱目 卷之六
釋之。謂寅底石安端性庸弱為刺葛所脇而
然皆赦不治。因謂左右曰。謀逆若止。負朕躬
尚可容貸。此曹恣行不道。殘害忠良。剽掠財
產。民間昔有萬馬。今皆徒步。開國以來。未嘗
有也。不誅其
黨。何以示戒。

冬十一月契丹初議朝政定禮儀

甲 乾化四年

戊 凡六國五鎮

乙 梁貞明元年

亥 凡六國五鎮

冬十月吳越遣使如契丹○高

麗遣使如契丹

丙 梁貞明二年○春二月契丹大赦建元

賢后
夷俗
事之為叔
則視祖父
為何如人
辱莫甚矣
氏族錯雜

契丹主在龍化州。迭刺部夷離董耶律曷魯
等率羣臣上尊號曰大聖大明天皇帝。述律
后曰。應天大明地皇后。大赦。建元神冊。○述
律后名平。小字月裏朶。其先回鶻人。世居契
丹右八部。父曰容我梅里。后簡重。果斷。有雄
略。契丹主行兵御衆多。預謀策。有母有姑。皆
踞榻受其拜。曰。吾惟拜天。不拜人也。時晉王
李存勗方經營河北。欲結契丹為援。以叔父
事契丹主。叔母事晋。云。○契丹初因突厥稱
后曰。可敦。謂之賊。俚寒尊。稱曰。耨斡。蓋以
配后土而母之云。○契丹之后族多乙室氏。
拔里氏。契丹主慕漢高祖命耶律兼稱劉氏。

五代續編 梁主貞明元年

不可復辨

通鑑綱目 卷之九

后弟敵魯既為北府宰相遂自比蕭相國由是與乙室拔里兼稱蕭氏

三月契丹主立其子倍為太子

倍小字

突欲

夏四月晉幽州節度使盧國用降于契丹○秋

七月契丹主侵突厥吐渾党項小蕃沙陀諸部

悉降之

俘其酋長及戶萬五千六百鎧甲兵仗器服九十餘萬寶貨駝馬牛羊無算

八月契丹陷晉朔州

獲節度使

李嗣本

冬十月契丹陷晉蔚武媯儒州遂盡有代北之

地

契丹既陷朔州乘勝而東攻陷蔚武媯儒四州斬首萬五千自代北至河曲踰陰山盡有其地改武州為歸化州媯州為可汗州置西南招討司選有功者領之

十二月契丹取晉山北八軍

通鑑綱目

卷之九

梁主貞明元年

五代續編

土兵守邊
無勞民傷
財之害
備邊上策

失險失人
周德威罪
不容誅

述律后賢
而善兵

初幽州北七百里有渝關下有渝水通海自關東北循海有道道狹處纔數尺有皆亂山高峻不可越舊置八防禦軍募土兵守之田租皆供兵食歲致繒纈以為衣常早獲清野以待契丹契丹至則閉壁不戰伺其去選驍勇據隘邀之契丹常失利走土兵皆自為田園力戰有功則賜勳加賞由是契丹不敢輕入寇及周德威鎮盧龍恃勇不脩邊備入軍遂為契丹所有渝關之險反為敵利契丹每芻牧於營平之間德威又忌幽州諸將有名者往往殺之吳王楊行密嘗遣契丹主以猛火油曰此油然火得水愈熾可以攻城契丹主大喜即選騎欲攻幽州述律后哂之曰豈有試油而攻一國乎但以三千騎伏其旁掠

其四野使城中無食不過數年城自困矣何必如此躁動輕舉萬一不勝為中國笑吾部落亦解體矣乃止

丁卯 貞明三年 春二月晉新州防禦使李存矩

為其下所殺裨將盧文進奔契丹

存矩晉王之弟也晉王使募山北部落及劉守光士卒存矩自部送之盧文進為裨將行者皆憚遠役至祁溝關小校宮彥璋與士卒謀遂殺存矩文進率其麾下以奔契丹焉

三月契丹圍晉幽州夏四月晉李嗣源會師救

之秋八月契丹敗走

周德威不修邊備所致

盧文進導契丹攻新州刺史安金全棄城遁契丹命劉殷守之三月進攻幽州節度使周德威合幽并鎮定魏五州兵拒之契丹主自率衆三十萬赴焉戰於新州東斬首三萬德威奔還幽州契丹乘勝圍之德威告急於晉王晉王方與梁相持河上欲分兵則兵少欲勿救恐失之謀於諸將獨李嗣源李存審閻寶勸王救之王喜曰晉太宗得一李靖猶擒頡利今吾有猛將三人復何憂哉存審寶以敵無輜重勢不能久不若伺其還而擊之嗣源曰德威社稷之臣今朝夕不保恐變生於中何暇待虜之衰臣請身爲前鋒以赴之王

兵

契丹長勝之勢嗣源首撓之存

曰公言是也即日治兵四月命嗣源先進寶以鎮定兵繼後幽州受圍日久德威力守契丹主見城中有氣如烟火狀曰未可下也會大暑霖潦乃先歸畱於越曷魯守之城中心危困日甚嗣源等步騎七萬會於易州存審曰虜衆吾寡虜多騎吾多步若平原相遇虜以萬騎蹂吾陣吾無遺類矣嗣源曰虜無輜重吾行必載糧食自隨若平原相遇虜抄吾糧吾不戰自潰矣不若自山中潛行趣幽州若中道遇虜則據險拒之遂踰嶺而東嗣源與養子從珂將三千騎爲前鋒距幽州六十里與契丹遇力戰得進至山口契丹以萬騎遮其前將士失色嗣源以百餘騎先進免胄揚鞭胡語謂曰汝無故犯我疆場晉王命我將

審協擊之
卒奏大捷
師克在和
信矣

兵

兵

通鑑綱目 卷之十
百萬衆直抵西樓滅汝種族因躍馬奮撾三
入其陣斬酋長一人後軍齊進契丹兵却晉
兵始得出存審命步兵伐木爲鹿角人持一
技止則成寨契丹騎環寨而過寨中發萬弩
射之人馬死傷塞路將至幽州契丹列陣待
之存審以步兵陣於其後戒勿動先令羸兵
曳柴燃草而進烟塵蔽天鼓躁合戰乃趣後
陣起乘之契丹大敗俘斬萬計嗣源等遂入

幽州

契丹刺葛出奔晉幽州

戊寅

梁

貞明四年

寅

七國四

鎮

春二月達旦遣使奉貢于契丹

興

國勢

主德

續編于契
丹事載之
獨詳

契丹城臨潢以爲都

契丹既作西樓復於漢西安平之地取天梯
別魯等三山之勢於葦甸射金甌箭以識之
謂之龍眉宮至是命禮部尚書康默記城之
爲皇都其地沃壤負山抱海宜耕植便畜牧

夏五月契丹主作孔子廟親謁之

契丹主問左右曰受命之君當事天敬神有
大功德者朕欲祀之何先皆以佛對契丹主
曰佛非中國教太子倍曰孔子大聖萬世所
尊契丹主大悅即命建孔子廟及佛寺道觀
既成契丹主親謁孔子廟
命其后及太子分謁寺觀

通鑑綱目

卷之十

梁主瑱貞明四年

三

五代續編

秋七月契丹于越耶律曷魯卒

興

巳梁貞明五年 卯凡七國四鎮 春二月契丹城遼陽

以漢民渤海戶實之、改爲東平郡

庚梁貞明六年 辰凡七國四鎮 春正月契丹始製大字。

九月字成、命頒行之

秋九月契丹侵天德節度使宋瑤降之

是年五月方改元

辛梁龍德元年 巳凡七國四鎮 春正月契丹主以其弟蘇爲南

府宰相

自是宗室世爲此職

夏五月契丹定班爵法律○契丹主命繪前代

直臣像爲招諫圖○冬十月晉王郁以契丹寇

主德

定州十二月晉王救之契丹乃敗走

晉義武節度使王處直、以養子都爲嗣、其孽子郁怨都、冒繼其宗、會晉王討成德、叛將張文禮、處直以鎮定唇齒、恐鎮亾而定孤、乃潛遣郁賂契丹犯塞、以緩鎮州之圍、郁遂邀處

召虜爲援失計

通鑑綱目

卷之六 梁主瑱龍德元年

五

五代續編

略

輕聽

契丹素畏晉王不意其猝至故驚走觀述津之言可

直求為嗣處直許之郁即率所部朝於契丹
 契丹主時次居庸關分兵略檀順安遠三河
 良鄉望都潞蒲城遂城等十餘城俘其民徙
 於境內因呼郁為子遷其眾於潢水之南而
 令其太子倍與郁率兵趣定州略地義武軍
 府怨處直召契丹主都亦慮郁奪其處乃同
 幽處直而盡殺其子孫心腹以狀白於晉王
 晉王即以都代處直處直憂憤而卒十二月
 契丹攻幽州李紹宏嬰城自守契丹遂圍涿
 州即日破其郭刺史李嗣弼以城降契丹進
 攻定州王都告急於晉晉王帥兵五千救之
 至新城半出桑林契丹驚走晉王分軍逐之
 契丹舉眾退保望都晉王趨之遇契丹將禿
 餒五千騎為其所圍力戰數合不能出李嗣

驗

契丹用兵何其整暇

賢

昭以騎三百來赴禿餒少却晉王乃得出因
 縱兵奮擊契丹大敗逐北至易州會大雪彌
 旬平地數尺契丹人馬死者相屬晉王躡其
 後見契丹埜宿之所布橐於地回環方正皆
 如編翦雖去無一枝亂者嘆曰虜用法嚴乃
 能如是中國所不及也晉王至幽州使騎二
 百踵契丹而北戒曰虜出境即還騎恃勇進
 擊悉為所擒初王郁說契丹主曰鎮州美女
 如雲金帛如山天皇王速往則皆已物也不
 然為晉王所有矣迷律后曰吾有西樓羊馬
 之富其樂不可勝窮也何必勞師遠出以乘
 危徼利乎吾聞晉王用兵天下莫敵脫有危
 敗悔之何及契丹主不聽
 及敗契丹主繫郁以歸

壬梁龍德二年○夏四月契丹陷晉薊州○晉契丹天贊元年

師圍鎮州張文禮求救于契丹契丹迭烈救之

晉李嗣昭敗歿○冬十一月契丹堯骨侵薊北

堯骨契丹主第二子也至是授天下兵馬大元帥攻薊北

癸唐莊宗李存勗同光元年○春正月契丹堯未是歲唐滅梁凡六國四鎮

骨陷晉平州二月契丹以盧國用為盧龍節度

使

堯骨克平州獲刺史趙思溫二月契丹主如平州以州為盧龍軍授盧國用節度使守之國用即盧文進也自是晉幽薊之境歲被殺掠吏民殘弊不能自生矣

夏四月晉王李存勗稱皇帝于魏州國號唐○

契丹堯骨侵晉鎮州陷曲陽○冬十月唐主滅

梁

甲同光二年夏六月契丹主侵吐渾党項阻

卜等部

晉之先本號米邪出于西突厥處月別部自號沙陀唐賜姓李後梁亡

契丹主大舉伐吐渾党項阻卜等部太子倍居守堯骨從行七月曷刺等擊素昆那山東部族破之八月契丹主至烏孤山以鵝祭天遂次古單于國登阿里典歷得斯山以麋鹿祭天九月次古回鶻城勒石紀功因拜日於蹄林遣騎攻阻卜遂鑿金河水取烏山石輦致潢河木葉山以示山川朝海宗嶽之意命權闢曷可汗故碑以契丹突厥漢字紀其功是月破胡毋思山諸蕃部次業得思山以赤牛青馬祭天地十月次于霸離思山遣兵踰流沙拔浮圖城盡取西鄙諸部十一月射虎於烏刺邪里山抵霸里山六里餘且行且獵日有鮮食軍士皆給

冬十一月契丹以韓延徽為左僕射

述律后知重節義惜延徽叛伏不常孤后獎成

安民

延徽反覆

延徽幽州安次人初為盧龍軍節度支使為劉守光聘于契丹契丹主怒其不屈留之述律后諫曰彼秉節不撓賢者也奈何困辱之契丹主乃召與語大悅因命參軍事攻吐渾諸部延徽之籌畫居多且請樹城郭分市里以處漢人之乞降者又為之配偶教墾藝以生養之降民安業逃亡者少居久之慨然懷其鄉里賦詩見意遂亡歸唐已而與唐將王緘有隙懼及難乃省親幽州匿故人王德明家德明問所適延徽曰將復走契丹德明不以為然延徽微咲曰彼失我如失左右手其見我必喜既至契丹主問故延徽曰忘親非

孝棄君非忠臣雖挺自逃臣心在陛下臣所以復來契丹主大喜賜名匣列匣列契丹語復來也即命守政事令中外事悉令參決遂進左僕射

契丹蕭阿古只寇唐幽蔚州

契丹連歲擾唐北鄙唐以李嗣源鎮北德禦之

乙酉 同光三年 冬十二月契丹主侵渤海

渤海本粟末靺鞨也唐武后時高麗別種大祚榮走保遼東睿宗封為渤海郡王因自稱渤海國併有扶餘肅慎等十餘國有文字禮樂宮府制度五京十五府六十二州地方五

蕭愼之後為文真

千餘里眾數十萬鄰于高麗而與契丹世讐契丹主既攻西鄙諸部九月還西樓謂左右曰世讐未雪豈宜安處乃大舉攻渤海大諲譔述律后太子倍大元帥堯骨皆從閏十二月祠木葉山遂以青牛白馬祭天地於烏山進次商嶺丁巳夜圍扶餘城

丙戌 唐明宗嗣源天成年 ○ 契丹 春正月契丹主

滅渤海二月改為東丹國以其子倍為人皇王

居之

正月契丹拔扶餘城欲括城內戶太子倍諫曰今始得地而料民民必不安若乘破竹之

明宗少名 魏信烈本 無姓氏太 祖養以為 子乃姓李 即位後改 名亶

五代續編

勢徑造忽汗城克之必矣契丹主從之遂進兵圍忽汗城大諲譔戰敗乞降契丹主受之先遣近侍入城索兵仗渤海邏卒害之諲譔復叛契丹攻其城入焉諲譔請罪馬前契丹主命以兵衛諲譔及族屬出城二月壬辰以青牛白馬祭天地大赦改元天顯丙午改渤海為東丹國忽汗為天福城冊太子倍為人皇王以主之復以弟迭刺為左大相渤海老相為右大相渤海司徒大素賢及耶律羽之為左右次相而還寘大諲譔於臨潢之西賜名曰烏魯古人皇王建元甘露稱制置百官于其國一切以漢法為治歲貢布十五萬端馬千匹而已

夏四月唐使姚坤如契丹

唐莊宗為郭從謙所弒明宗即位遣供奉官姚坤告哀於契丹契丹主慟哭曰我朝定兒也朝定猶華言朋友也謂坤曰今天子聞洛陽有急何不救坤曰地遠不能及曰何故自立坤言其由曰漢兒喜飾詐母多談又曰聞吾兒專好聲色遊畋不恤軍民宜其及此我自聞之舉家不飲酒散遣伶人解縱鷹犬若亦效吾兒所為行自亾矣又曰我於今天子無怨足以修好若與我大河之北吾不復南侵矣坤曰此非使臣之所得專也契丹主怒囚之旬餘復召謂曰河北恐難得得鎮定幽州亦可也給紙筆趣合為狀坤不可欲殺之

坤不辱命 賢

韓延徽切諫
乃復囚坤

秋七月契丹主億卒于扶餘其后述律氏治國

事

契丹主自渤海還七月甲戌次扶餘城而疾
辛巳殂年五十五述律后稱制決事人皇王
倍大元帥堯骨聞訃皆還九月至西樓謚曰
昇天皇帝廟號太祖權殯于子城西北○述
律后既稱制召諸酋長妻謂曰我今寡居汝
不可不效我又集其夫泣問曰汝思先帝乎
對曰受先帝恩豈得不思曰果思之宜往見
之遂殺之左右有桀黠者后輒謂曰爲我達

以温以一
言免禍妙
絕
豈非夷俗

語於先帝至墓所則殺之前後所殺以百數
最後趙思温當往不肯行后曰汝事先帝嘗
親近何爲不行對曰親近莫如后后往臣請
繼之后曰吾非不欲從先帝于地下也顧嗣
子幼弱國家無主不得往耳乃
斷一腕令置墓中思温亦得免

冬十月契丹盧龍節度使盧國用帥其衆還唐

丁酉唐天成二年○契丹冬十一月契丹主德光

立尊其母述律氏爲太后

八月葬太祖於祖陵既葬太祖議嗣位者述
律后欲舍人皇王倍而立堯骨乃命倍與堯

唐明宗天成二年
五代續編

骨俱乘馬立帳前謂羣臣曰二子吾皆愛之莫知所立汝曹擇可者執其轡衆知后意爭執堯骨轡后曰衆之所欲吾安敢違遂立爲天皇王是爲嗣聖皇帝請改元不許十二月尊后爲應天皇太后國事皆決焉立妃蕭氏爲皇后堯骨尋改名曰德光人皇王倍以不得立常怏怏太后知之遣歸東丹

契丹城世沒里爲祖州

以太祖葬其處及擣里思以下四世所生之地因名曰祖州而興版築焉

戊戌 唐天咸三年

春正月契丹以王郁爲興國軍

節度使○三月唐義武節度使王都反乞師于

契丹夏五月唐招討使王晏球討都及契丹奚

禿里鐵刺戰于定州大敗之

王都反唐以王晏球爲招討使會師討之都以重賂求援于契丹契丹主遣奚禿里鐵刺以萬騎赴之晏球與戰於定州都及鐵刺大敗僵屍蔽野都鐵刺僅以身免盧龍節度使趙德鈞邀其潰卒殆無子遺既而契丹復遣楊隱涅里衮都統查刺帥衆援鐵刺晏球逆戰復大破之殺鐵刺獲涅里衮查刺等數十人餘衆散投村落村人以白梃擊之其得脫



者不過百人自是契丹沮氣不敢輕用師以犯唐境

六月契丹行瑟瑟禮

契丹自遙輦氏胡刺可汗制祭山儀蘇可汗制瑟瑟儀阻午可汗制柴冊儀再生儀情朴用儉後世遵之瑟瑟儀禱雨之祭也

冬十二月契丹以遼陽為南京

命耶律羽之遷東丹民以實之

巳唐天成四年秋九月契丹主祀木葉山
丑凡五國三鎮

木葉山在永州西界潢河北界土河始祖奇首可汗廟居其上故凡有事則必先以白馬青牛告之

契丹主行再生禮

契丹之俗凡十二歲其主本命前一年初慶之辰行再生儀以祀其先示不敢忘本也

庚唐長興元年春三月契丹主以其弟李胡為

太弟

李胡述律后之幼子也

冬十一月契丹人皇王倍自東丹奔唐唐以為

懷化軍節度使賜名曰李贊華

倍好書能詩契丹之僅見者也

人皇王既失職居于東丹建書樓于西宮作樂田園詩唐主聞之遣使浮海持書密召之倍因畋於海上唐使又至倍謂左右曰我以下天下讓主上今反見疑而使晉寧來撫慰我我其危哉不如適他國以成泰伯之名遂立木海上刻詩曰小山壓大山大山全無力羞見故鄉人從此投外國乃載書帥其部曲四十人浮海奔唐唐賜姓名曰李贊華以莊宗妃夏氏妻之使為懷化軍節度使鎮滑州焉

辛唐長興二年

卯凡五國三鎮

夏四月契丹立中臺省于遼陽

壬唐長興三年

辰凡五國三鎮

癸唐長興四年

春二月唐定難節度使李仁福

巳凡五國三鎮

卒子彝超嗣

甲唐主從河清泰元年

秋九月契丹主寇唐雲武

州

乙唐清泰二年

未凡六國三鎮

春二月唐定難節度使李彝超

本姓王氏鎮州平山人明宗為將掠得之養以為子是年四月入立

卒弟彛殷嗣

丙晉高祖石敬瑭天福元年

夏五月唐河東

敬瑭父臬
換難本出
于夷不知
姓祖石碣
為姓

節度使石敬瑭反招討使張敬達討之敬瑭乞

師於契丹秋八月契丹主赴太原九月敬達及

契丹主戰於汾曲敗績走晉安契丹圍之唐主

自將救晉安次于懷州

石敬瑭素與唐主不相能，在鎮陰為自全之計，累表乞解兵柄，以嘗唐主之意，唐主移敬

存最事契
丹為叔敬
瑭直事以
為父矣
稱臣亦豈
為可

塘鎮鄆州，以張敬達為西北都部署，趣敬瑭赴鎮，敬瑭疑懼，掌書記桑維翰曰：明宗遺愛在人，主上以庶孽代之，羣臣不附，公明宗之愛壻，今主上以叛逆見待，此非首謝可免，但力為自全之計，契丹主素與明宗約為兄弟，公誠能推心屈節事之，朝呼夕至，何患不成？敬瑭乃上表言：唐主養子，不應承祀，請傳位許王從益，唐主遂削奪敬瑭官爵，以張敬達為太原四面兵馬都部署，楊光遠副之，敬瑭令桑維翰草表稱臣於契丹主，且請以父禮事之，約事捷之日，割盧龍一道及鴈門關以北諸州為謝，劉知遠諫曰：稱臣可矣，以父事之太過，厚以金幣賂之，自足致其兵，不必許以土田，恐異日大為中國之患，悔之無及，敬

通鑑綱目 卷之末 晉高祖天福元年 五代續編

兵

堦不從遣趙瑩往桑維翰繼之契丹主得表大喜遣蕭轄里報書期以仲秋傾國赴援張敬達之師至晉陽築長圍以攻之八月契丹主將騎五萬自陽武谷而南九月至晉陽陳於虎北口先遣人謂敬塘曰吾欲今日即破敵可乎敬塘遣人馳報曰南軍甚厚請伺明日使者未至契丹已與唐騎將高行周符彥卿合戰敬塘乃遣劉知遠兵助之張敬達楊光遠以步兵陣於城西北山下契丹遣輕卒三千騎不披甲直犯其陣唐兵逐之至汾曲契丹伏兵起衝唐兵斷而為二縱兵乘之敬達等大敗歿者近萬人敬達等收餘眾走保晉安契丹亦引兵歸虎北口是夕敬塘率其僚屬出見契丹主問曰皇帝遠來士馬疲倦

唐人自弃其險焉得不敗

遽與唐戰而大勝何也契丹主曰始吾謂唐必斷鴈門諸路伏其險要則吾不可得進矣使人偵伺皆無之吾是以長驅深入知大事必濟也兵既相接我氣方銳若不乘此急擊之曠日持久則勝負未可知矣此吾所以亟戰而勝不可以勞逸常理論也敬塘歎伏引兵會圍晉安寨置營于晉安之南長百餘里厚五十里多設鈴索吠犬人跬步不能過敬達等士卒猶五萬人馬萬匹四顧無所之遣使者告敗唐主大惧遣符彥饒將兵屯河陽詔天雄范廷光屯遼州盧龍趙德鈞由上黨趨團柏谷與其子趙廷壽合勢進擊耀州潘環亦出兵會戰而下詔親征遂發洛陽唐主心憚北行至河陽宰相盧文紀希旨言國家

根本在河南、胡兵倏來忽往、不能久留、晉安大寨甚固、况已發三道兵救之、河陽天下津要、車駕宜留此、鎮撫南北、且使近臣往督戰、苟不能解圍、進亦未晚、唐主從之、乃遣樞密使趙廷壽將兵二萬如潞州、唐主次於懷州、以晉安為憂、日夕酣飲悲歌、羣臣或勸其北行、則曰、卿勿言、石郎使我心膽墮地、然精騎猶三萬也。

冬十一月唐行營都統趙德鈞降于契丹契丹不受

盧龍節度使趙德鈞陰蓄異志、欲因亂取中原、乃請將騎由土門西入、以解晉安之圍、唐

主許之、以德鈞為諸道行營都統、德鈞合趙鎮澤潞之兵而進、與其子廷壽遇於西陽、遂併兵北屯團柏谷口、欲倚契丹以成已志、乃密以金帛賂契丹主云、若立已為帝、請即以見兵南平洛陽、與契丹約為兄弟、仍許石氏常鎮河東、契丹主自以深入敵境、晉安未下、德鈞兵尚強、又以范延光在其東、且恐山北諸州邀其歸路、欲許德鈞之請、然已許立石敬瑭、敬瑭聞之、大懼、亟使桑維翰說契丹主曰、趙北平父子素蓄異志、非以歿狗國之人何足可畏、而信其誕妄之辭、貪其毫末之利、棄垂成之功乎、且使敬瑭得天下、將竭中國之財以奉大國、豈此小利之比乎、契丹主曰、吾非有渝前約也、但兵家權謀、不得不爾、維



翰曰皇帝以信義救人之急四海之人俱屬耳目奈何一旦二三其命使大義不終臣竊為皇帝不取也跪于帳前自旦至暮涕泣爭之契丹乃指帳前石謂德鈞使者曰我已許石郎此石爛可改也

契丹主立石敬瑭為晉皇帝

十月甲子契丹主封石敬瑭為晉王幸其府丁卯契丹主召敬瑭至帳中命之坐從容曰吾三千里來赴難一戰而勝殆天意也觀汝器貌識量真中原之主吾欲立汝為天子敬瑭辭讓不許契丹主令有司設壇晉陽備禮策命十一月丁酉策敬瑭為大晉皇帝親解

藉援外天辱已甚矣廢置盡出于夷可醜更甚

衣冠授之

丹 閏月唐楊光遠殺招討使張敬達以眾降于契丹

晉安被圍八十餘日唐高行周符彥卿等數敗內外隔絕芻糧俱盡至濯馬糞屑木以飼馬馬飢至自相啖其鬃尾死則以充食楊光遠等勸敬達出降敬達曰吾受明宗及今上厚恩為元帥而軍敗其罪已大况降敵乎今援兵旦暮且至當伺之若必力盡勢窮諸君斬我出降未為晚也閏月甲子諸將旦集光遠斬敬達首帥諸將降於契丹契丹主嘉其

張敬達忠于後唐

忠謂左右曰、凡為人臣、當如此也。命以禮葬而祭之焉。

契丹主以晉主敬瑭南下、唐師潰於團柏、唐主

還河陽、趙德鈞降于契丹。

契丹主與晉主南下、命晉主兄子重貴守太原、以契丹將高模翰為前鋒、至團柏、唐趙德鈞、趙延壽先遁、諸將繼之、士卒大潰、死者萬計、唐主聞晉主已立、楊光遠等復降、用李崧策、引眾南還、至河陽、命諸將分守南北城、契丹主至潞州、趙德鈞、延壽及判官張礪迎謁於高河、契丹鎖德鈞、延壽、送歸國、德鈞見述律太后、后問曰、汝近者何為往太原、德鈞曰、

德鈞心事
早為述律
照破

奉唐主之命、后指天曰、汝從吾兒求為天子、何妄語耶。又自指其心曰、此不可欺也。又曰、吾兒將行、吾戒之曰、趙大王若引兵北向、渝關、亟須引歸太原、不可救也。汝欲為天子、何不先擊退吾兒、徐圖亦未晚。汝為人臣、既負其主、不能擊敵、又欲乘亂邀利、所為如此、何面目復求生乎。德鈞俛首不能對、踰年而歿。

契丹主次於潞州、晉主敬瑭以契丹師南下

契丹主次於潞州、其臣勸還國、契丹主乃遣晉主趨洛、舉酒屬之曰、我若南向、河南之人必大驚駭、汝宜自引漢兵南下、我令迺離畢、將五千騎送汝至河梁、臨別、謂晉主曰、我且

通鑑綱目 卷之六
留此伺汝音問、有急則下山救汝、若洛陽既定、吾即北反矣、因泣曰、世世子孫勿相忘、又曰、劉知遠、趙瑩、桑維翰、皆創業功臣、無大故、勿棄也、

唐主還洛陽

符彥饒、張彥琪、言於唐主、從珂曰、今胡兵大下、河水復淺、人心已離、此不可守、唐主命河陽節度使、萇從簡守河陽南城、遂斷浮梁、歸洛、晉主至河陽、從簡具舟楫迎降之、

唐主殺李贇、華

唐主至洛、知事窮蹙、召李贇、華同處、贇、華不從、唐主遣李彥紳就其第殺之、

唐主自焚、歿、晉主敬瑭入洛陽、追廢唐主為庶

人

唐主議復向河陽、將校皆已飛狀迎晉主矣、晉主慮唐主西奔、遣契丹千騎扼澠池、唐主與曹太后、劉皇后、雍王重美、及宋審虔等、攜傳國寶、登玄武樓自焚、皇后欲燒宮室、重美諫曰、新天子至、必不露居、他日重勞民力、歿而遺怨、將安用之、乃止、王淑妃與許王從益、匿於毬塲、獲免、是日晚、晉主入洛陽、唐兵皆解甲待罪、晉主命劉知遠部署京城、知遠命漢軍還營、館契丹軍于天宮寺、城上肅然、無敢犯令、十二月、晉主追廢唐主為庶人、

已見知遠
才畧

通鑑綱目

卷之六

晉高祖天福元年

三

五代續編

十二月契丹主自潞州北歸

契丹主命收其士卒戰沒者，瘞之汾水上，以爲京觀。桑維翰爲文紀之。十二月辛卯，聞晉主入洛，遣郎君解里德撫問，遂帥衆北歸。明年正月，至臨潢。

丁酉 天福二年 西 凡六國三鎮

夏六月，晉使聶延祚請上尊號。

於契丹契丹主不許。○高麗侵新羅，百濟降之。

於是東夷諸國皆附高麗，有二京六府九節度百二十郡云。

契丹改元會同國號遼

戊戌 天福三年 ○ 契丹會同元年

秋七月，契丹冊晉主爲英武

明義皇帝

既奪從珂之位，業已儼然天子矣。乃又以尊號奉契丹石敬瑭，真中華之大罪人也。

五月，晉復遣使請上尊號於契丹。契丹主許之。七月，契丹主使其中臺省右相耶律述蘭送烈哥使晉，冊晉主爲英武明義皇帝。

冬十一月，晉主使馮道上尊號于契丹。契丹太

赦改元

九月，晉主遣守司空馮道、左散騎常侍韋勳上契丹，述律太后尊號曰廣德。至仁昭、烈崇簡應天皇太后、左僕射劉煦、右諫議大夫盧重、上契丹主尊號曰睿文神武法天啓運明

晉高祖天福三年

五代續編

德章信至道廣敬昭孝嗣聖皇帝十一月契丹主御宣政殿受之因大赦始改元會同晉主事契丹甚謹奉表稱臣謂契丹主為父皇帝每契丹使至即於別殿拜受命敕歲輸金帛三十萬之外吉凶慶弔歲時贈遺相繼於道乃至太后元帥太子諸王大臣皆有賂遺小不如意輒加責讓多不遜語朝筮咸以為恥而晉主事之曾無倦意其後契丹主屢止

兒皇帝可
笑

晉主上表稱臣但令為書稱兒皇帝如家人之禮云

晉使趙瑩歸幽薊瀛莫涿檀順媯儒新武雲應朔寰蔚十六州于契丹

契丹主改新州為奉聖州武州為歸化州

契丹以臨潢為上京幽州為南京遼陽為東京

契丹主既得晉賂十六州之地乃更以皇都為上京臨潢府升幽州為南京析津府更南京遼陽府為東京契丹之制居有宮衛謂之幹魯朶出有行營謂之捺鉢分鎮邊圉謂之部族有事則以攻戰為務閒暇則以畋漁為生其地盡有大漠侵包長城之境故秋冬違寒春夏避暑隨水草就弋獵春捺鉢曰鴨子河灤在長春州夏捺鉢無常所而吐兒山為多在慶州秋捺鉢曰伏虎林在末州冬捺鉢曰廣平淀在永州蓋其俗重鵝每獲鵝必祭

通鑑綱目 晉高祖天福三年 五代續編

天故捺鉢多澤河灤之地焉

契丹始定官名

多易其俗以漢官

契丹以趙延壽為南京留守

總山南事

巳晉天福四年秋八月晉初歸幣於契丹

帛三十萬匹歲以為常

庚晉天福五年春三月契丹主如幽州

契丹如南京至燕備法駕入自拱宸門御元和殿行入閣禮晉遣楊端問起居六月還臨潢

辛晉天福六年春二月晉使楊彥詢如契丹契

執之

晉成德節度使安重榮恥臣契丹見其使者必箕踞慢罵或潛遣人殺之契丹以為讓晉主遣楊彥詢往遜謝且言重榮跋扈狀契丹留之不遣

重榮固曰今日天子兵強馬壯則為之其不臣契丹欲自帝耳

然罵契丹
却強人意

晉成德節度使安重榮執契丹行人拽刺

重榮執契丹使拽刺掠幽州南境復遣使以
誘吐谷渾夷離董蘇等叛契丹而附晉上表
於晉主言吐谷渾兩突厥契苾沙陀各帥部
眾歸附黨項等亦納契丹告牒稱為虜所凌
暴願自備十萬眾與晉共擊契丹陛下屢敕
臣承奉契丹勿自起釁端其如天道人心難
以違拒願早決計表數千言大抵斥晉主父
事契丹竭中國以媚無厭之虜又為書遺朝
貴及遺藩鎮云已勒兵必與契丹決戰晉主
患之乃以劉知遠為北京留守而自如鄴都
以詔喻安重榮曰吾因契丹得天下爾因吾
致富貴吾不敢忘德爾乃忘之邪今吾以天

下臣之爾欲以一鎮抗之不亦難乎
宜深思之無取後悔重榮得詔愈驕

冬十月晉安重榮反伏誅十二月契丹歸楊彥

詢於晉

重榮聞晉主在鄴遂與山南東道節度使安
從進發兵反晉主以杜重威為招討使討之
重榮敗斬其首函之以獻於
契丹契丹乃歸楊彥詢於晉

壬晉主重貴天福七
夏六月晉主敬瑭殂兄子
寅年○凡六國三鎮

重貴立

既斬重榮
矣又必函
致契丹生
殺廢置皆
歸命焉悲
哉

晉祖以初
子委道道
一日背之
此其歷事
五帝之節
槩也

安重榮之將反也誘吐谷渾酋長白承復等
叛契丹及劉知遠為北京留守以重賂招承
福降之遷其眾于嵐石之間而收其精騎重
榮既敗契丹遣使讓晉以招納叛降晉主憂
悒成疾而殂馮道與馬步都虞候景延廣議
舍晉主子重睿而奉敬瑭兄儒之子重貴即
位遣使告
于契丹

秋七月晉使梁言如契丹

契丹遣使弔祭于晉晉主遣金吾衛大將軍
梁言判四方館事朱崇節往謝大臣議奉表
稱臣景延廣請致書稱孫李崧曰陛下如此
他日必躬擐甲胄與契丹戰於時悔無益矣

延廣固爭馮道依違於
其間晉主卒從延廣議

八月晉執契丹行人喬榮既而歸之

晉梁言至契丹契丹主怒其不稱臣遣客省
使喬榮讓之景延廣因說晉主囚榮於獄大
臣皆言契丹不可負乃釋榮慰賜而歸之榮
辭延廣延廣大言曰歸語而主先帝為北朝
所立故稱臣奉表今上乃中國所立所以降
志於北朝者正以不敢忘先帝盟約故耳為
鄰稱孫足矣無稱臣之理翁怒則來戰孫有
十萬橫磨劍足以相待他日為孫所敗取笑
天下母悔也榮欲為異時據驗乃曰公所言
頗多懼有遺忘願記之紙墨延廣命吏書其

稱臣固不
可稱孫益
不可延廣
顧以為無
妨抑何大
也

語以授之、榮還、具以白契丹主、契丹主大怒、
政事令趙延壽謀欲代晉帝中國、因力勸南
伐、契丹主然之、自是晉使如契丹者皆繫之、
侍中桑維翰屢請遜辭以謝契丹、每爲延廣
所沮、晉主以延廣有定策功、寵冠羣臣、又總
宿衛兵、故大臣莫能與之爭、劉知遠鎮河東、
知延廣必致寇、而不敵
言、但益募兵以備契丹、

癸卯 天福八年 春二月晉主如大梁

晉主聞契丹將南伐、乃
還東京、然猶問遺不絕

冬十二月契丹趙延壽帥師伐晉

晉平盧節度楊光遠有憾於晉主、遣人密告
於契丹曰、晉飢、若伐之、一舉可克也、趙延壽
復勸之、契丹主如南京、命趙延壽、趙延昭、安
端、解里等帥衆五萬、由滄恒、易定、分道伐晉、
謂延壽曰、若得晉、當立汝爲帝、延壽
深信之、爲之盡力、契丹主自將繼進、

甲辰 凡六國三鎮 元年 春二月契丹主伐晉、晉主禦之

三月契丹師還、夏四月晉主還大梁、貶景延廣

爲西京留守

正月趙延壽、延昭、次任丘、安端、入鴈門、圍忻
代、延壽既入貝州、契丹主授延壽、魏博等州

節度使封魏王帥所部屯南樂晉以高行周為都部署將兵禦之且遣使請修舊好契丹主復書曰已成之勢不可改也若必欲如故宜割河北諸州及遣桑維翰景延廣來議之於是晉主自將以景延廣為御營使遂發大梁時用兵方略號令皆出延廣延廣乘勢使氣陵侮諸將雖天子亦不能制契丹主次於元城晉主次於澶州二月契丹攻博州降之楊光遠密道契丹之師自馬家口濟河晉降將周儒引契丹將麻答營於河東攻鄆州北津以應楊光遠晉遣李守貞皇甫遇梁漢璋薛懷讓將兵萬人緣河水陸俱進至馬家口麻答戰敗死者萬餘遂西退三月趙延壽延昭率騎數萬攻高行周於戚城契丹主繼之

傳本不可
解一本作
已傳本書

分左右翼以進行周與戰自午至晡互有勝負契丹主復以勁騎突晉中軍晉主出陣待之契丹主望見晉師之盛謂左右曰楊光遠言晉軍半已餒死今何多也以精騎左右略陣晉師不動萬弩齊發飛矢蔽天契丹稍却兩軍死者不可勝計至暮契丹主以人馬饑疲所向無功乃引還契丹帳中小校亡入晉師言契丹已傳木契丹收軍北去延廣疑有詐閉壁不敢追契丹所過焚掠民物殆盡四月晉主還大梁延廣既為上下所惡晉主亦憚之桑維翰疏其罪出為西京留守延廣鬱鬱不得志日夜縱酒而已

秋七月晉使張暉奉表乞和于契丹契丹執之

自是晉使遂絕

道

晉以桑維翰為中書令兼樞密使

或謂晉主曰陛下欲禦北狄安天下非桑維翰不可乃罷馮道而用維翰事無大小悉以委之維翰既相承制指揮節度使十五人會兵以備契丹無敢違者時人服其膽略

行于五季強臣跋扈之時尤人情所難

冬十二月契丹主伐晉

十一月契丹主徵諸部兵會於温榆河北十二月伐晉趙延壽引兵先進契丹主以大軍繼之圍恒州下九縣遂建牙於元氏晉遣張從恩馬全節安審琦趙在禮屯鄴都以備之

進

晉以折從遠為府州團練使

憚契丹之盛不敢往晉主詔從恩稍却於是眾皆恟懼無復部伍委棄器甲所過焚掠比至相州不能復整尋詔在禮還屯澶州全節還鄴都景延廣守胡梁渡張彥澤立黎陽

初晉割地賂契丹府州與馬會契丹欲盡徙河西之民以實遼東州人大恐刺史折從遠雲中大族也因保險拒之及晉與契丹絕從遠引兵深入其境拔滕州及十餘寨故命之

村契丹主敗走晉主還大梁

乙酉開運二年春三月晉及契丹戰于白團衛

凡五國二鎮

晉主重貴開運二年

五代續編

時契丹勢甚猖獗全

正月契丹分兵攻邢洛磁州殺掠殆盡入鄴都境張從恩馬全節安審琦悉兵陣於相州安陽水之南皇甫遇與慕容彥超將千騎前覘契丹至鄴都遇契丹數萬遇等且戰且却至榆林店契丹大至二將謀曰吾屬今走死無遺矣乃止布陣自午至未力戰百餘合相殺傷甚眾遇馬斃步戰其僕杜知敏以所乘馬授之戰稍却顧知敏已為契丹所擒遇曰知敏義不可棄也與彥超躍馬入陣取知敏而還俄而契丹繼至二將曰吾屬勢不可走以死報國耳日且暮安陽諸將怪覘兵不還審琦引騎兵出將救之從恩曰虜眾猥至盡吾軍恐未足以當之公往何益審琦曰成敗天也萬一不濟當共受之借使虜不南來坐

得諸將協力拒戰故奏捷獲

失皇甫太師吾屬何顏以見天子遂踰水而進契丹解去遇等乃得還契丹亦引軍退其眾自相驚曰晉軍悉至矣時契丹主在邯鄲聞之即時北還不再宿至鼓城從恩等議曰契丹傾國而來吾兵少糧盡死無日矣不若引軍就黎陽倉南倚大河以拒之可萬全議未決從恩引兵先發諸軍繼之擾亂失亡不可勝計畱步兵五百守安陽橋夜四鼓知相州事符彥倫曰比夕紛紜人無固志五百弊卒安能守橋即召入乘城為備至曙望之契丹數萬騎已陳安陽水北彥倫命城上揚旗鼓譟約束契丹不測踰水環州而南聞張彥澤兵至乃引北還馬全節不敢追既而全節等言虜眾不多宜乘其散歸種落大舉徑襲

晉主重貴開運二年 五代續編

幽州晉主以為然徵兵諸道下詔親征遂發大梁行至澶州全節等諸軍以次北上劉知遠聞之曰中國疲弊自守恐不足乃橫挑疆胡勝之猶有後患况不勝乎三月杜威等諸軍會于定州攻契丹泰州降之取滿城獲契丹二千人取遂城趙延壽部曲降者言契丹主還至虎北口聞晉取泰州復擁眾南向約入萬餘騎計來日入夕當至杜威等懼退師至陽城契丹大至晉師與戰逐北十餘里契丹踰白溝而去晉軍結陣而南胡騎四合如山諸軍力戰拒之人馬饑乏至白團衛村埋鹿角為行寨契丹圍之數重奇兵出寨後絕糧道是夕東北風大起營中掘井輒崩人馬俱渴至曙風甚契丹主坐奚車中命鐵鵠軍

李存貞藥
元福符彥
卿合謀拒
契丹

四面下馬拔鹿角而入奮短兵以擊晉軍又順風縱火揚塵以助其勢軍士皆憤怒大呼曰都招討使何不用兵令士卒徒歿諸將請出戰杜威曰伺風稍緩徐觀可否李存貞曰彼眾我寡風沙之內莫測多少惟力鬪者勝此風乃助我也若伺風止吾屬無類矣即呼曰諸軍齊擊賊又謂威曰令公善守禦守貞以中軍決歿矣馬軍排陣使張彥澤召諸將問計皆曰虜得風勢宜候風回與戰彥澤亦以為然右廂副使藥元福謂彥澤曰今軍中飢渴已甚若伺風回吾屬已為虜矣敵謂我不能逆風以戰宜出其不意急擊之此兵之詭道也都排陣使符彥卿曰與其束手就擒曷若以身徇國乃與元福彥澤及皇甫遇引

精騎出西門擊之。諸將繼至，契丹却數百步，風勢益甚。昏晦如夜。彥卿等擁萬餘騎橫擊契丹，呼聲動天地。契丹大敗而走，勢如崩山。守貞亦令步兵盡拔鹿角出關，步騎俱進。逐北二十餘里，鐵鷁軍既下馬，蒼黃不能復上。委棄馬仗蔽地。契丹主乘奚車走十餘里，追兵急，獲一橐駝，乘之而去。諸將請急追之，杜威揚言曰：「逢賊幸不歿，更索衣囊耶？」守貞曰：「人馬渴甚，得水足重，難以追寇。」乃退保定州。四月，契丹主至幽州，散兵稍集，以失利杖其諸將，戰不力者各數百。晉諸軍引歸，晉主還大梁。

秋七月，晉使孟守中奉表乞和于契丹。

桑維翰屢勸晉主復和，親契丹以紓國患。晉主從之，乃遣孟守中奉表稱臣，詣契丹謝過。時契丹連歲伐晉，人畜多死，國中怨之。述律太后謂契丹主曰：「使漢人為胡主可乎？」曰：「不可。」后曰：「然則汝何故欲為漢主？」契丹主曰：「石氏負恩，不可容。」后曰：「汝今雖得漢地，不能居也。」萬一蹉跌，悔何所及？又謂其群下曰：「漢兒何得一向眠，自古但聞漢和蕃，不聞蕃和漢。漢兒果能回意，我亦何惜與和？」及晉使至，契丹主曰：「使景延廣自來，仍割鎮定兩道隸我，則可；不然不能也。」晉君臣以契丹語忿無和意，乃止。及契丹後入大梁，謂李崧等曰：「向使晉使再來，則南北不復戰矣。」

一向眠解者紛紛都
不快宮是
請晉乞和
契丹為醉
夢中事一
醒則追悔
不甘矣

晉主重賁開運二年 五代續編

冬十二月晉彖維翰罷○高麗王王建卒子武

立

高麗自唐末中原多故始自立高氏為王唐長興中王建承高氏之位權知國事唐封建為高麗國王朝貢不替至是建卒子武嗣為國王

丙午開運三年

秋八月契丹主伐晉圍恒州

契丹徵諸部兵會於棗林淀遂將而南十一月進圍恒州

冬十月晉使都招討使杜威會師擊契丹十二

月威叛以眾降於契丹

崧玉輕聽速禍

先是有自幽州來者言趙延壽有歸晉意樞密使李崧宰相馮玉信之命天雄節度使杜威致書延壽啖以厚利延壽復書乞發大軍應接辭旨懇密李崧等欣然復遣人詣延壽與為期約於是契丹使其瀛州刺史劉延祚遺樂壽監軍王繼書請舉城內附云城中契丹不滿千人乞朝廷發輕騎來襲已為內應契丹主已歸牙帳地遠阻水不能救也繼與杜威因屢奏瀛莫乘此可取馮玉李崧信以為然欲發大兵迎趙延壽及劉延祚遂請于晉主以杜威為都招討使李守貞副之中書令趙瑩謂李崧馮玉曰杜令公國之貴戚位

兼將相而所欲未厭心常慊慊豈可復假以兵權必欲有事於北方不若止任守貞為愈也不從十月晉主下敕賜曰專發大軍往平黠虜先取瀛莫安定關南次復幽燕盪平塞北有能擒獲虜主者除上鎮節度使賞錢萬緡絹萬匹銀萬兩時積雨半載軍行及饋運者甚艱苦杜威李守貞會兵於廣晉禁軍皆從宿衛空虛十一月至瀛州城門洞啓寂若無人威等不敢進契丹主在恒州聞之遣精兵斷河橋杜威等退保武強契丹遣南院大王迪輦將軍高模翰分兵由瀛州間道以進杜威遣貝州節度使梁漢璋帥眾二千拒之與模翰戰敗歿杜威乃以張彥澤為前鋒引兵據中渡橋趙延壽高彥溫以步騎前後乘

之指揮使王清言於杜威曰請以步卒為前鋒奪橋開道公帥諸軍繼之得入鎮州則無憂矣威乃遣清與宋彥筠同進清戰甚銳契丹小却諸將請以大軍繼之杜威不從彥筠戰敗遂走王清獨帥麾下力戰屢請救兵威不許清謂其眾曰上將握兵坐觀吾輩困急而不救此必有異志吾輩當以死報國耳眾感其言莫有退者至暮戰不息契丹以新兵繼之清及士眾盡歿諸軍皆奪氣杜威等遂與契丹夾滹沱而軍築壘為持久之計威性懦怯偏裨皆節鎮但日相承迎置酒作樂罕議軍事契丹以大兵當晉軍之前潛遣蕭翰將百騎出晉軍之後斷晉糧道及歸路樵采者遇之盡為所掠有逸歸者皆稱虜眾之盛

豈以不言
政事為高
耶

以此離晉軍之心

通鑑綱目 卷之九

軍中恟懼、翰獲晉民、皆黥面、曰奉敕不殺、縱之南走、運夫在道、遇之、皆棄車驚潰、杜威請益兵、詔悉發守宮、禁者得數百人赴之、威又遣使告急、還為契丹所獲、自是朝廷與軍前聲問兩不相通、開封尹桑維翰以國家危在旦夕、求見言事、晉主方在苑中調鷹、辭不見、又詣執政言之、執政不以為然、退謂所親曰、晉氏不血食矣、晉主欲自將北征、宣徽使李彥韜諫止之、乃詔高行周、符彥卿共戍澶州、景延廣戍河陽、契丹遙以兵環晉營、軍中食盡、杜威與李守貞、宋彥筠謀降契丹、乃先遣詣契丹主牙帳、邀求重賞、契丹主給之曰、趙延壽威望素淺、恐不能帝中國、汝果降者、當以汝為之、威喜、遂定降計、伏甲召諸將出降

以二十萬之眾、慟哭不忍、投戈必欲強使釋甲、威罪適于天矣

表使署名、諸將駭愕、聽命、命軍士出陣于外、軍士皆踊躍、以為且戰、威親諭之曰、今食盡途窮、當為汝曹共求生計、因命釋甲、軍士皆慟哭、聲振原野、威守貞仍於眾中揚言、主上失德、信任奸邪、猜忌於已、聞者莫不切齒、十二月丙寅、契丹主遣趙延壽衣赭袍至晉營、慰撫士卒、亦以赭袍衣杜威、皆實戲之耳、契丹主擁騎數萬、臨大阜立馬、受杜威等降、閱其眾、凡二十萬、授杜威守太傅、鄴都留守、李守貞、天平節度使、餘各領舊職、分降卒之半、付杜威、半隸趙延壽、復以晉降將孫方簡為義武節度使、麻答為安國節度使、契丹翰林學士承旨張礪言於契丹主曰、今契丹始得中國、宜以中國人治之、不宜用國人及左右

通鑑綱目 卷之九 晉主重貴開運三年 五代續編

近習苟政令乖失則人心不服雖或得之猶將失之不聽

契丹主南下使晉降將張彥澤入大梁晉主重

貴降彥澤幽晉主殺桑維翰

契丹之大舉崧玉速之杜威諸臣助之

契丹主引兵南下杜威等將降兵以從契丹主遣晉都排陣使張彥澤及其御史大夫耶律解里監軍傅柱兒將騎二千持詔先赴大梁諭晉主降彥澤倍道疾驅夜渡白馬津晉主召李崧馮玉李彥韜入禁中計事欲召劉知遠入援明日彥澤自封丘門斬關而入城中大擾晉主於宮中起火自攜劍驅後宮赴火為親軍將薛超所持俄而彥澤傳契丹主

稱孫稱婦求活虜廷生不如死然石晉實夷種不足怪也

維翰寧不當死耶

與李太后書慰撫之且召桑維翰景延廣晉主乃命滅火與后妃聚泣召范質草降表自稱孫男臣重貴禍至神惑運盡天亡今與太后及妻馮氏舉族面縛待罪乃遣廷煦廷寶奉國寶出迎太后亦上表稱新婦李氏妾傅柱兒入宣契丹主命晉主脫黃袍服素衫拜受左右皆掩泣使召張彥澤欲與計事彥澤微咲不應或勸桑維翰逃去維翰曰吾大臣逃將安之坐而伺命彥澤以晉主命召維翰維翰至天街遇李崧駐馬語未畢有軍吏於馬前揖維翰赴侍衛司維翰知不免顧謂崧曰侍中當國今日國亡反令維翰死之何也崧有愧色維翰至彥澤以兵守之彥澤縱兵大掠二日都城為之一空彥澤自謂有功於

昧心至此
狗彘不食
其餘

亡國者多
矣未有孤
困至此者

契丹旗幟皆題赤心為主見者笑之彥澤遷
晉主於開封府頃刻不得留見者流涕晉主
悉以內庫金珠自隨彥澤曰此物不可匿也
李筠以兵守晉主內外不通上契丹主表章
皆先示彥澤然後敢發使取內庫帛主者不
與曰此非帝物也求酒於李崧崧亦辭不進
又欲見李彥韜彥韜亦不往馮玉佞彥澤求
自送傳國寶冀契丹復任用廷煦之母有美
色彥澤使人取之彥澤殺桑維翰以帶加頸
白契丹主云其自經契丹主命厚撫其家壬
午契丹主次赤岡賜晉主詔曰孫勿憂必使
汝有噉飯之所又以所獻傳國寶非真詰之
晉主奏頃王從珂自焚舊國寶不知所在此

寶先帝所為群臣備知乃止有司欲使晉主
銜璧牽羊大臣輿觀迎於郊外契丹主曰吾
遣奇兵取大梁非受降也不許又詔晉文武
羣僚一切如故朝廷制度並用漢禮改館晉
主於封
禪寺

契丹執晉景延廣以歸延廣自殺

契丹主遣將軍康祥以兵趣河陽捕景延廣
執之契丹主以牙籌數其八罪且詰之曰致
兩主失歡皆汝所為十萬橫磨劍安在延廣
不服契丹主召喬榮使相辨證因以紙所記
語示之延廣伏地請死契丹主命鎖
之先送歸國夜宿陳橋延廣扼吭死

以大言自
速其死

通鑑綱目 卷之末
漢高祖天福十一年
五代續編

丁未九月 漢高祖劉知遠天福十二年 ○ 遼大同元年 ○ 是歲晉亡漢代契

丹改國號遼

春正月丁亥朔契丹主德光入大

梁行朝賀禮

正月丁亥朔晉百官遙辭晉主於城北乃易素服紗帽迎契丹主於封丘門外伏路請罪契丹主不忍臨視撫慰遣之遂備法駕入大梁民皆驚走契丹主遣使諭之曰我亦人也汝曹勿懼會當使汝曹蘇息我無心南來漢兵引我至此耳至明德門下馬拜而後入遂御崇元殿受賀日暮復出屯于赤岡云

從古夷虜之禍中國皆中國奸臣召致之

快事

契丹誅張彥澤

彥澤以國媚虜又酷困故主欲以取富貴耳卒不免于一死可為叛賊之鑒

晉閣門使高勳訴張彥澤以私憾殺其家人契丹主亦怒彥澤擅徙晉主于開封府署殺桑維翰剽掠大梁遂與傅柱兒俱斬於北市仍命高勳監刑彥澤前所殺士大夫子孫皆經杖號哭詬罵以杖朴之勳命剖其心以祭死者市人爭破腦取髓其肉而食之

契丹降封晉主重貴為負義侯遷之黃龍府

契丹主使人至封禪寺存問晉主及太后甚至時雨雪連旬外無供億上下凍餒太后使其衛者謂寺僧曰吾嘗於此飯僧數萬今日獨無一人相念耶僧辭以虜意難測不敢獻

徽欽北狩
之慘大略
相同

通鑑綱目 卷之末
食晉主陰祈守者乃稍得食辛卯降封晉主
重貴為崇祿大夫檢校太尉負義侯遣太子
太保趙瑩太子少保馮玉及李彥韜將騎三
百送晉主及李太后安太妃馮皇后高祖子
重睿晉主子廷煦廷寶等于黃龍府安置在
途供饋不繼或時絕食舊臣無敢進謁者獨
磁州刺史李穀迎謁於路傾貲以獻晉主至
中渡橋見杜威故寨歎曰天乎我家何負為
此賊所破慟哭而去既出塞契丹無復供給
至祖州令拜契丹太祖之墓晉主不勝屈辱
泣曰薛超誤我馮后求毒藥欲與晉主俱自
殺不果黃龍府渤海扶餘城也初契丹太祖
滅渤海還次其地得疾見黃龍繚繞可長一
里光耀奪目入于行帳是日太祖殂故云

契丹竟無
一人死節
亦亡國之
僅見者也

契丹以張礪為平章事晉李崧為樞密使馮道

守太傅劉煦守太保

契丹引兵入汴京諸門皆以契丹兵守衛礪
犬懸羊皮為厭勝謂晉羣臣曰自今不修甲
兵不市戰馬輕賦省役天下太平矣改服中
國衣冠百官皆如舊制以張礪為平章事礪
與趙延壽共薦晉樞密使李崧會馮道自鄧
州來朝契丹主素重二人乃以崧為太子太
師充樞密使道守太傅於樞密院伺候又以
以晉故相劉煦守太保和凝為翰林學士

晉諸藩鎮皆降於契丹

契丹主遣使以詔賜晉之藩鎮諸鎮爭上表稱臣惟彰義節度使史匡威據涇州以拒契丹而雄武節度使何重建以秦階成降蜀

契丹縱兵大掠遣使括借士民錢帛

契丹廣受四方貢獻縱酒作樂趙延壽請給上國兵食契丹曰吾國無此法乃縱胡騎四出剽掠謂之打草穀丁壯斃於鋒刃老弱委於溝壑自東西兩畿及鄭滑曹濮數百里間財畜殆盡契丹主謂判三司劉煦曰契丹兵應有優賜速宜營辦時府庫空竭劉煦請括借都城士民錢帛又分遣使者數十人詣諸州括借皆逼以嚴誅人不聊生其實無所頒

自打草穀而中原財畜掃蕩宜和之括取其遺禍也

給皆蓄之內庫欲輦歸其國由是內外怨憤始患苦契丹皆思逐之矣

晉河東節度使北平王劉知遠遣使奉表于契

丹

晉主與契丹結怨知遠有步騎五萬坐視不救及聞晉亡乃分兵守四境遣客將王峻奉表稱臣于契丹主契丹主賜詔褒美親加兒字於知遠姓名之上仍賜以木榜胡法以優禮大臣如漢賜几杖之比既而知遠觀望使謂之曰汝不事南朝又不事北朝意欲何所伺耶孔目官郭威言于知遠曰虜恨深矣王峻言契丹貪殘失人心必不能久有中國

知遠不輕
搜契丹之
鋒計深慮
遠

通鑑綱目

卷之六

吳

或勸知遠舉兵進取。知遠曰：用兵當隨時制宜。今契丹新據京邑，未有他變，豈可輕動？且觀其所利，止於財貨。財貨既足，必將北去。況冰雪已消，勢難久留。宜待其去，然後取之，可以萬全耳。

唐遣使如契丹乞修復諸陵契丹主不許

南唐主璟遣使賀契丹滅晉，且請詣長安修復諸陵，契丹不許。

二月契丹主德光御崇元殿行入閣禮建國號

曰遼大赦改元以恒州為中京命趙延壽為大

丞相中京留守

契丹主召晉百官問曰：中國之俗異於吾國，吾欲擇一人君之如何，皆曰：夷夏之心皆願推戴皇帝。二月丁巳朔，契丹主服通天冠絳紗袍，登正殿，設樂縣儀衛於庭，百官朝賀，建國號大遼，大赦，改元大同。禮畢，服赭袍，坐崇元殿，百官行入閣禮，以恒州為中京，大同府。趙延壽以契丹主負約，心常怏怏，因李崧言於契丹主，乞為皇太子。契丹主曰：吾於魏王雖割肌肉，亦不愛，但皇太子當以天子兒為之，豈魏王所可為也？乃命為大丞相樞密使，中京留守，而以張礪和凝平章事。

通鑑綱目

卷之六

吳

五代續編

漢高祖天福十二年

遼封唐郇公李從益為許王

從益與其母王淑妃自洛會朝於汴契丹主拜淑妃曰吾嫂也因封從益為許王復居洛

晉劉知遠稱皇帝於晉陽○遼以耿崇美為昭

義節度使高唐英為昭德節度使崔廷勳為河

陽節度使

分據晉要地也

三月遼以蕭翰為宣武軍節度使

漢高本沙陀部人及得中國自以姓劉謂為淮陽王嗣之後更名嵩

初晉置天威軍教習歲餘竟不可用悉罷之而無賴子弟不復肯復農業山林之盜自是而繁及契丹入汴縱胡騎打草穀又多以其子弟及親信為節度刺史不通政事華人之狡猾者多往依其麾下教之妄作民不堪命於是所在相聚為盜多者數萬人少者不減千百滎陽賊帥梁暉偵知高唐英未至夜遣壯士踰相州城啓關納衆殺契丹數百據相州自稱昭德留後陝州將趙暉晉州將藥可儔潞州將高防皆殺其節度使及契丹使者奉表降於劉知遠澶州賊帥王瓊帥其徒圍節度使耶律郎五於牙城遼主聞之懼謂左右曰我不知中國之人難制如此乃即遣泰寧安審琦武寧符彥卿等歸鎮謂晉百官曰

天時向暑，吾難久留，欲暫至上國。省太后，乃以汴州為宣武軍，授述律太后兄子小漢為節度使。

夏四月遼主北歸

遼主以晉主劉知遠既立，州鎮多附，因圖北還。乃先遣晉諸司僚吏、嬪御、宦寺、方技百工，圖籍、歷象、石經、銅人、明堂、刻漏、太常樂譜、諸宮縣、鹵簿、法物及鎧仗，悉送上京。寧武都虞候武行德部送之。遼主謂宣徽使高勳曰：「吾在上國，以射獵為樂，至此令人悵悵，今得歸，死無恨矣。」四月丙辰朔，發自汴州。馮道、李崧和凝、李澣、徐台符、張礪等皆從，遂攻梁暉於

契丹固云我無心南來

相州，克之，悉殺城中男子，驅其婦女而北，留高唐英守之，遺民僅七百人，而鬻骸十餘萬。武行德行至河陰，與將士謀曰：「虜勢不能久留中國，不若共逐其黨，堅守河陽，以俟天命之所歸者。」而臣之眾以為然，即相與殺契丹監軍使，會崔廷勳以兵送取崇美之潞州。行德遂乘虛入，據河陽，遣弟行友奉蠟表詣太原。晉主知遠以行德為河陽節度使，契丹主之初入汴也，請降者七十六州，得戶百九萬百一十八，未幾多叛，還濟黎陽，渡顧謂左右曰：「我此行有三失，宜天下之叛我也。縱兵打草穀，一失也。括民私財，二失也。不遽遣諸節度還鎮，三失也。」

契丹亦知悔禍

遼主德光卒于樂城兄子兀欲立于軍更名阮

戊辰遼主至高邑得疾丁丑殂于樂城年四十六國人剖其腹實鹽數斗載之而北晉人謂之帝。死時述律太后及太弟李胡壽安王述律皆留臨潢唯東丹主倍之長子永康王兀欲在軍中南院大王耶律吼北院大王耶律洼議欲奉之兀欲聞其謀密召五院夷離董耶律安端問計安端請從之會有自臨潢來者安端因詐言太弟李胡死傳報軍中眾皆信之戊寅次于鎮陽吼洼奉兀欲即位柩前更名阮甲申次定州命天德胡古解里等護柩先赴臨潢述律太后不哭曰待諸部寧一如故則葬汝矣初太祖殂于扶餘述律后

賢

主德

主德行大臣凡數十百人至是恐后復然故皆懼而奉阮云太宗撫定多方遠近向化建國號備法章釐庶務閱名實德政卓然為遼盛主故其世也境內作四京置六州軍城百五十有六縣二百九部族五十二屬國六十東漸于海西至于金山暨流沙北及于臚胸河南以白溝為界幅員萬里焉

遼主阮至恒州執趙延壽以歸

太宗之歿也趙延壽即日引兵入恒州自稱受遺詔令權知南朝軍國事遼主阮既即位延壽未之知也或說延壽曰契丹諸大人聚謀此必有變今漢兵不減萬人不若先事圖

通鑑綱目 卷之末 漢高祖天福十二年 五代續編

之延壽不決，下令以來月朔日於待賢館上事，受文武官賀。李崧以虜意不同，事理難測。延壽乃止。遼主至恒州，召延壽及張礪等飲。遼主妃素以兄事延壽，從容謂曰：「妹自上國來，寧欲見之乎？」延壽因與遼主入，良久，遼主出謂張礪等曰：「魏王謀反，已鎖之矣。」遂以麻答為中京留守，居恒州。晉文武士卒悉留，獨以後宮宦者教坊自隨，勒兵歸國。

晉主知遠自太原南下。遼崔延勳、耿崇美等皆棄城北走。河南州縣悉復為晉。○遼蕭翰立唐許王李從益為帝于大梁，遂帥其師北歸。從益

既避位擁戴又復殺之，伎害甚矣。

避位以迎晉主六月晉主知遠殺之

蕭翰在大梁，聞晉主擁兵南下，遼將多棄城而去，亦欲北遁。恐中原無主，必大亂，已不得從容而去，乃矯遼主命，以唐明宗子許王從益知南朝軍國事，召已赴恒州。從益與其母王淑妃匿於徽陵下宮，不得已而出。翰立以為帝而去。從益即避位以迎晉主。晉主命鄭州防禦使郭從義入大梁，清宮密令殺從益及淑妃。

遼蕭翰殺其平章事張礪于恒州

翰至恒州，與留守麻答以兵圍張礪第。礪方臥病，出見之。翰數礪曰：「汝何故言於先帝？」



國人不為節度使，我以國舅留守汴州。汝又譖我與解里好，掠人財物，子女何也？今必殺汝，趣令鎖之。礪抗聲曰：「此國家大體，安危所繫，吾實言之，欲殺即殺，奚以鎖為？」是夕，恚憤而卒。

遼太后使其太弟李胡帥師禦遼主阮遇于泰

德泉李胡敗績

述律后聞遼主阮自立，怒遣太弟李胡帥師拒之。遼主至幽州，聞之，遣夷離堇安端詳穩劉哥為前鋒，遇李胡于泰德泉，李胡戰敗走還。

晉主知遠入大梁改國號漢○秋閏七月遼太

后自將禦遼主阮遇于橫渡太后罷兵遼主入

臨潢

祖孫不順而下戈是尋真大羊也

李胡敗還，述律后乃親帥師禦遼主。閏七月，遼主次潢河，太后李胡整兵陳于橫渡，夾听而軍。惕隱耶律屋質言于后曰：「太弟永康王皆太祖子孫，神器非移他族，太后宜思長計。」后乃遣屋質授書于遼主，議和。遼主初不從，屋質譬解之。遼主良久曰：「若何而和？」屋質曰：「與太后相見，各紓忿恚而和之，不難。不然，決戰非晚。」遼主然之，遣宣徽使耶律海思詣后。

通鑑綱目 卷之六
約和往返數日議始定於是遼主與后相見交語責讓殊無和意屋質借謁者籌執之謂后曰管人皇王在何故立嗣聖后曰太祖遺旨屋質又謂遼主曰大王何故擅立遼主曰人皇王當立而不立所以去之屋質正色曰人皇王捨父母之國而奔唐子道當如是耶大王見太后不少遜謝惟怨是尋太后牽于偏愛託先帝遺命妄授神器如此何敢望和當速交戰執籌而退后泣曰向太祖遭諸弟亂天下荼毒創痍未起庸可再乎乃索籌與遼主曰父不爲而子爲之又誰咎也亦取籌而執左右感激大慟后復謂屋質曰議既定神器竟誰歸屋質曰永康王順天合人復何疑李胡在側怒曰我在兀欲安得立屋質曰

奈公酷暴失人心何且大王世嫡也誰敢爭之
后顧李胡曰昔我與太祖愛汝異於諸子
諺云偏愛之子不保業我非不欲立汝汝自
不能矣議遂定后罷兵遼主遂入上京尊母
蕭氏爲
太后

遼主阮幽其祖母述律氏叔父李胡于祖州

李胡以不得立居常怏怏述律后既鍾愛之
因與謀廢立遼主遂幽后及李胡于太祖墓
側

唐以留從効爲清源軍節度使

安民

初閩指揮使朱文進與連重遇弒其主曦文進自稱閩主署其黨為刺史泉州散員指揮使留從効謀興復王氏乃與僊遊人陳洪進等夜踰城劫庫兵殺刺史黃紹頗傳首于殷王延政及南唐滅殷取汀建吳越亦取福州從効知王氏不復可輔乃以兵劫刺史王繼勳執之歸于唐自領漳泉留後唐即以泉州為清源軍授從効節度使閩中自是分為二矣從効出自寒微知人疾苦在郡專以勤儉養民為務自奉甚簡每言我素貧賤不可忘本民甚愛之部內安治王氏有二女嫁為郡人妻從効謹事之終身焉

晉故將何福進逐遼留守麻答以恒州歸漢漢

馬道于契丹命職拜而不辭他可無論矣

以馮道為太師

麻答貪猾殘忍民間有珍貨美女必奪取之又捕村民誣以為盜披面抉目焚炙而殺之懸人肝膽手足飲食啓居於其間遼所留兵不滿二千麻答常疑漢兵稍稍廢省又損其食以餉胡兵衆心怨憤聞漢主入大梁皆有南歸之志前穎州防禦使何福進控鶴指揮使李榮潛結軍中壯士謀攻遼兵奪守門兵殺十餘人因突入府據甲庫召漢兵及市人給鎧仗焚牙門與遼兵戰榮召諸將并力指揮使白再榮狐疑不得已而行諸將繼至烟火四起鼓譟震地麻答等大驚載寶貨家屬走保北城而漢兵無所統一貪狡者乘亂剽

掠懦者竄匿八月朔遼兵自北門入勢復振漢民死者二千餘人前磁州刺史李穀恐事不濟請馮道等至戰所慰勉士卒士卒爭自奮會日暮有村民數千謀於城外欲奪遼人寶貨婦女遼人懼而北遁麻答崔廷勳皆奔走定州與義武節度使耶律郎五合馮道等四出安撫兵民衆推道為節度使道曰我書生也宜擇諸將為留後遂以白再榮權知留後兵以狀聞于漢主漢主以馮道為太師遣飛龍使李彥從將兵赴之再榮貪昧猜忌恒州人士苦之號曰白麻答云

遼主追謚其考人皇王倍為帝封安端為明王

以主東丹

人皇王之見殺也有僧收瘞之晉高祖改葬以王禮遼太宗取而葬諸瑩無間之山至是追謚曰讓國皇帝廟號義宗而以安端主東丹封明王

承祐為知遠第二子

戊申元年凡五國三鎮 春正月遼以韓延徽為南

府宰相

遼北南二府宰相掌佐理軍國之大政北府則其宗姓世預其選南府則其外戚世居其職非二者不輕命焉其北樞密院則掌兵機武選群牧之政凡契丹軍馬皆屬之南樞密

院則掌文銓部族丁賦之政凡契丹人民皆屬之所謂北衙不理民南衙不主兵也又改迭刺部夷离董爲北南二大王掌部族軍民之政此皆遼之宰相也至於惕隱治宗姓林牙掌文告又其貴近之職焉

二月漢主高俎子承祐立

高即知遠也

三月遼麻答焚掠定州而去孫方簡入城據之

遼義武節度使耶律郎五懼華人爲變與麻答焚掠定州悉驅其人棄城北去前義武節

度使孫方簡自狼山帥衆還據定州因以其弟行友方遇爲易泰州刺史每遼兵南下方簡兄弟奔命遼人頗憚之由是晉末州縣陷于遼者皆復爲漢有矣麻答至其國伏誅

冬十月遼趙延壽歿

已 漢 乾祐二年 春二月遼遷故晉王石重貴於

建州

晉李太后詣遼主請依漢人城寨之外給田耕桑以自贍遼主許之并晉主遷于建州未至安太妃卒于路遣令焚骨南向颺之既至建州得田五十餘頃令從者耕以給食頃之

遼壽安王述律遣騎取晉主寵姬趙氏聶氏二人以去

冬十月遼主侵漢貝鄴深州

庚漢乾祐三年春二月遼建政事省○秋八月

戊是歲漢亡故晉太后李氏卒于遼

后病無醫藥惟與晉主仰天號泣戟手罵杜威李守貞曰吾死不置汝

冬十月遼主侵漢

遼主南伐攻下安平內丘東鹿等城大獲而去

十一月漢郭威弒其主承祐迎武寧節度使贊

于徐州○漢郭威帥師伐遼至澶州威自立而

還廢贊為湘陰公○高麗王武卒子昭立

周祖邢州堯山人父簡事晉為順州刺史

辛周太祖郭威廣順元年○北漢主劉晏乾祐

亥四年○遼穆宗璟應曆元年○是歲周代漢春正月郭威稱皇帝國號周○周

主威弒湘陰公于宋州○漢河東節度使劉崇稱帝于晉陽

崇贊父也贊既被弒崇乃稱帝仍用漢乾祐年號有弁汾忻代嵐憲隆蔚沁遼麟石十二州

二月周使姚漢英如遼遼人執之

以周用國禮也

夏六月漢主乞師于遼遼遣使冊漢主崇為大

漢神武皇帝

漢主遣其子承鈞將兵伐周不克遂遣使稱姪乞援于遼遼主遣政事令燕王牒蠟樞密

使高勲冊漢主為大漢神武皇帝漢主更名旻

秋九月遼泰寧王察割弒其主阮而自立壽安

王璟誅察割而代之

北漢主劉旻遣兵伐周遼主自將會之諸部不欲南行遼主強之行至歸化州祭讓國皇帝于行宮羣臣皆醉明王安端之子泰寧王察割作亂弒遼主而自立壽安王璟小字述律太宗長子也避亂于南山耶律屋質亟遣人召諸王及喻禁衛長皮室等同力討賊復遣弟冲迎璟璟猶豫不敢出屋質曰大王嗣聖子賊若得之必不相容大王歿羣臣將誰

事耶環悟乃會諸部討察割齧而殺之環遂即位是為天順皇帝改元應曆葬世宗于顯州西山以屋質知國事北漢主旻復以叔父事之請兵以伐周世宗年少好遊戲每夜酣飲達旦乃寐日中方起國人謂之睡帝

冬十一月漢遼會師伐周圍晉州而去

遼遣兵五萬會北漢兵伐周漢主自將兵二萬攻晉州三面置寨晝夜攻之周遣王峻帥諸軍救晉漢軍乏食會遼帥聞峻至而遁漢主亦還峻入晉州遼師處者什三四漢主始息意於進取漢土瘠民貧內供軍國外奉遼貢賦繁役重民不聊生多逃於周境

壬戌廣順二年

凡六國二鎮

夏六月周侵漢遼救之○冬十

一月巳卯日南至遼行拜日禮○十二月遼明

王安端卒○周以折從阮為靜難軍節度使

鎮府州

癸丑廣順三年

凡六國一鎮

夏六月遼太后述律氏卒

謚貞烈葬祖陵

甲寅年○凡六國二鎮

元

春正月周主威祖晉王榮

世宗本姓柴氏柴氏女適太祖

其兄守禮
生世宗從
姑長于太
祖家

立○二月漢主以遼師伐周三月及周主戰于

高平漢師敗績

北漢主聞周太祖殂甚喜乞師于遼以伐周
遼遣政事令耶律敵祿將萬騎如晉陽漢主
自將三萬與遼兵趣潞州周主命馮道奉太
祖梓宮赴山陵而自將禦之漢主陣于高平
南周主與戰右軍潰周主急親犯矢石督之
馬直軍使趙匡胤謂同列曰至危如此吾屬
何得不致死乃與張永德各帥二千人進戰
匡胤以身先士卒馳犯漢師士卒死戰無不
一當百漢師披靡羣將乘勝而前漢師大敗
敵祿畏周之強不敢救全軍而退漢主帥其

餘眾萬餘阻澗而軍周師薄之漢主復敗僵
尸滿谷委棄御物輜重器械雜畜不可勝紀
漢主帥百餘騎晝夜北走所至得食未舉筋
或傳周兵至輒倉皇而去衰老力憊殆不能
支僅得入晉陽收散卒繕甲兵完城塹以
備周遣王得中送耶律敵祿還遼且謝之

周以趙匡胤為殿前都虞候

匡胤涿郡人四世祖毗唐幽都令生珽唐御
史中丞珽生敬涿州刺史敬生弘殷周檢校
司徒馬軍都指揮使弘殷娶杜氏生匡胤於
洛陽夾馬營及長容貌雄偉器度豁如識者
知非常人漢初漫遊無所遇舍襄陽僧寺有
老僧善術數顧之曰吾厚贖汝北往則有遇

矣、匡胤從之、會周太祖以樞密使討李守貞于河中、匡胤應募居帳下、太祖即帝位、補東西班行首、再轉開封府馬直軍使、高平之戰、功冠群校、張承德稱其勞、故有是命、年二十八、

夏四月周符彥卿帥師侵漢五月及遼耶律撻

烈戰于忻口周師敗績

周主遣行營都部署符彥卿督諸將攻北漢、入漢境、其民困於重賦、爭以食物迎勞、願助軍、須以攻晉陽、遂降漢、汾遼憲嵐石沁忻七州、周主因自帥大軍、自潞州趨晉陽、環城四

十里、旗幟不絕、遼主聞之、使南院大王撻烈將騎數千屯忻代之間、彥卿擊之、撻烈退保忻口、彥卿前鋒史彥超恃勇輕進、與遼兵戰、敗死、彥卿帥兵還晉陽、周主攻城、久而不克、會火雨、士卒疲病、及彥超死、乃班師、還軍勿遽、焚棄芻糧數十萬、所得漢州縣復皆失之、漢主憂憤成疾、以政事悉委其子承鈞、

冬十一月漢主旻殂子鈞立遼遣使冊之

漢主旻殂、子鈞立、遣使告哀于遼、且求封冊、上表稱男、遼主遣使弔祭、冊命為漢帝、賜詔

稱兒

周以折從阮為邠寧節度使其子德辰為靜難

軍節度使

父子俱領節鎮時人榮之

乙卯周顯德二年

春正月周以遼降將張藏英為

沿邊巡檢使

遼屢攻周河北輕騎深入周主患之問遼降將張藏英以備邊之策藏英具陳地形要害請列置戍兵募邊人驍勇者厚其廩給自請將之隨宜討擊周主從其言自是河南之民

始得休息

周以曹元忠為歸義軍節度使

沙州自天寶末陷于西羌大中五年張義潮以州歸唐詔建沙州為歸義軍授義潮節度使領河沙甘肅伊西等州觀察使義潮入朝以從子惟深領留後梁初張氏之後絕州人推長史曹義金為帥義金死子元忠嗣至是入貢于周故命之

丙辰周顯德三年

春正月周主伐唐圍壽州使趙

匡胤帥師入滁州復大敗唐師于六合

法令肅然

周主自將攻唐淮南圍壽州衆凡數十萬遣殿前都虞侯趙匡胤擊唐兵于塗山匡胤大敗唐師于渦口斬其監軍何廷錫等奪戰艦五千餘艘而還二月周主復遣匡胤倍道襲唐清流關唐守將皇甫暉姚鳳驚走入滁州斷橋自保匡胤躍馬麾兵涉水直抵城下暉曰人各爲其主願各成列而戰匡胤笑而許之暉整衆而出匡胤突陣擊暉鳳皆擒之遂克滁州至夜匡胤父馬軍副指揮使弘殷引兵叩城門匡胤曰父子雖至親城門王事也

不敢奉命明日乃得入匡胤自是威名日盛每臨陣必以繁纓飾馬鎧仗鮮明或曰如此爲敵所識匡胤曰吾固欲其識之耳三月周主至淝橋薄壽州城匡胤乘皮船入壽春壕

勇之甚

中城上發連弩射之矢如大椽牙將張瓊以身蔽匡胤矢中瓊髀死而復蘇鏃著骨不可出瓊飲酒一大卮令人破骨出之血流數升神色自若四月唐元帥齊王景達帥師拒周周主遣匡胤帥師屯六合時唐兵攻揚州韓令坤棄城走匡胤令曰揚州兵有過六合者折其足令坤懼而止遂敗唐兵于揚州城下唐齊王景達帥師濟江距六合二十里設柵不進諸將請擊之匡胤曰吾衆不滿二千若往擊之彼必見吾衆寡矣不若俟其至破之必矣居數日唐兵趣六合匡胤奮擊大破之殺獲近五千人溺死甚衆於是唐之精卒盡矣是戰也將士有不致力者匡胤陽爲督戰以劍斫其皮笠明日徧閱其笠有劍跡者數

精細

十人皆斬之。由是匡胤所部兵莫敢不盡死矣。

冬十月周以趙匡胤為定國軍節度使兼殿前

都指揮使

匡胤之入滁也。得判官趙普。與語大悅之。會獲盜百餘。匡胤將盡殺焉。普請先訊鞫。然後決。所活者什七八。匡胤大奇其才。留置左右。至是以為節度推官。普幽州薊人也。

十一月周召華山隱士陳搏至大梁以為諫議

大夫搏不受。

正議

搏亳州真源人。嘗舉唐長興中進士不第。遂不復干祿。以山水為樂。因伏氣辟穀。日飲酒數杯而已。歷二十餘年。乃隱華山雲臺觀。每寢處多百餘日不起。周主召至。法問以飛升黃白之術。對曰。陛下為天子。當以治天下為務。安用此為。命為諫議大夫。固辭不受。乃遣還華山。

丁酉顯德四年春三月周主伐唐使趙匡胤帥

師絕唐餉道壽州乃降

周主命李重進圍壽州。久不克。遂復親征。軍於紫金山南。命趙匡胤擊唐列寨破之。斷其

通鑑綱目 卷之六
甬道由是唐兵首尾不相救壽州遂降于周

吐蕃首領折逋支逐河西節度使申師厚

涼州自唐末為羈縻然猶請命于中國至是折逋支等逐申師厚而奉其土人為帥與中國始絕矣

戊周顯德五年
午六國鎮

巳周顯德六年 春二月遼政事令韓延徽卒○
未應曆九年

夏四月周主伐遼克關南諸州遂趨幽州五月

周主有疾乃還

周主伐遼四月次滄州即日率步騎數萬直趨遼境遼寧州刺史王洪舉城降周主命韓通為陸路都部署趙匡胤為水路都部署周主自御龍舟沿流而北舳舻數十里至益津關遼守將終廷輝以城降遂登陸而西趙匡胤先至瓦橋關遼守將姚內斌莫州刺史劉楚信皆舉城降五月遼淤口關及瀛州降於是關南悉平周主宴諸將于營議取幽州諸將曰陛下離京四十二日兵不血刃取燕南之地此不世之功也今虜騎皆聚幽州之北未宜深入周主不悅趣先鋒劉重進先發據固安周主自至安陽水命作橋會日暮還宿

瓦橋是日周主不豫乃罷兵南還孫行友拔
遼易州斬其刺史李在欽周主詔以瓦梁橋
為雄州益津關為霸州
令陳思議韓令坤戍之

遼以高模翰為中書省左相

模翰一名松渤海人善騎射太祖知其才委
任心腹之事立晉之功模翰第一太宗南伐
其功尤多至是
以右相改左相

六月周以趙匡胤為歸德軍節度使兼殿前都

點檢

周主自伐遼還，在道閱四方文書，得韋囊中
有水三尺餘，題曰點檢。作天子時，張永德為
點檢，永德周懿親有功，周主疑之，遂以
匡胤代永德。匡胤以趙普為掌書記。

周主榮殂子梁王宗訓立

世宗殂，年三十九，子梁王宗訓立。
生七年矣，尊皇后符氏為太后。

遼遣使如唐，周人殺之

唐屢通好于遼，至是遼遣使報聘，周泰州團
練使荆罕儒募刺客於道殺之，自是遼與南
唐遂絕。

宋太祖因
此得天下
于小兒

冬十一月漢遼會師伐周

漢高祖五年冬十一月漢遼會師伐周

周主榮服于梁王宗昭立

資治通鑑綱目五代續編

五代續編

